

An Roinn Oideachais agus Eolaíochta,  
Rannóg Oideachais Múinteoirí,  
Cor na Madadh,  
Baile Atha Luain,  
Co. na hIarmhí.

Department of Education and Science,  
Teacher Education Section,  
Cornamaddy,  
Athlone,  
Co. Westmeath.



**Imlitir : 0003/2010**

## **Clár Teastais/Diplóma Iar-Chéime um Fhorbairt Ghairmiúil Leantach i Riachtanais Speisialta Oideachais (Neamhoird Speictrim Uathaigh) do Mhúinteoirí**

### **CHUIG: ÚDARÁIS NA MBUNSCOILEANNA, NA N-IARBHUNSCOILEANNA AGUS NA SCOILEANNA SPEISIALTA**

#### **1. An Clár 2010/2011**

Tá Coláiste San Aingeal, Sligeach, (Coláiste de chuid Ollscoil na hÉireann, Gaillimh (OÉG), ag tairiscint Clár Teastais/Diplóma Iar-Chéime um Fhorbairt Ghairmiúil Leantach i Riachtanais Speisialta Oideachais (Neamhoird Speictrim Uathaigh) i gcomhair leis an tSeirbhís Tacaíochta Oideachais Speisialta (STOS) do mhúinteoirí mac léinn le Neamhoird Speictrim Uathaigh. Foia réir na gclár atá á sholáthar ag an gcoláiste, beidh an clár seo creidiúnaithe ag OÉG, agus bronnfar Teastas/Diplóma Iar-Chéime i Riachtanais Speisialta Oideachais (NSU) mar thoradh air.

Beidh suas go 25 áit le fáil ar an gclár don mbliain 2010-2011.

#### **2. Aidhm agus Ábhar**

Beidh sé d'aidhm ag an gclár eolas, tuiscint agus scileanna na múinteoirí a fhorbairt agus iad ag obair le mic léinn le neamhoird speictrim uathaigh.

Bronnfaidh OÉG cáilíochtaí ar rannpháirtithe a chríochnaíonn an chlár go rathúil. Déanfar measúnú ar rannpháirtithe ar bhonn **freastal iomlán** ar an gclár, críoch buacach na dtasc roghnaithe agus tionscnaimh scríofa, i dteannta lena gcuid oibre i scoileanna. Tá sonraí breise le fáil d'iarrthóirí ó Choláiste San Aingeal, Sligeach ar a shuíomh idirlín ag at [www.stangelas.nuigalway.ie](http://www.stangelas.nuigalway.ie) agus ón tSeirbhís Tacaíochta Oideachais Speisialta (STOS).  
[Suíomh Gréasáin](http://www.sess.ie) : [www.sess.ie](http://www.sess.ie)

### 3. Fad agus Eagraíocht

Is clár forbartha proifisiúnta é an Teastas Iar-Chéime / Diplóma Iar-Chéime seo gur féidir a fháil thar tréimhse uasta de dhá bhliain. Tá ceithre mhodúl sa chlár, mar seo a leanas:

#### *Teastas Iar-Chéime*

- **Modúl a haon (Modúl Croílár)** - Neamhoird Speictrim Uathaigh a thuiscint
  - **Agus**
- **Modúl a dó** – Measúnú, Pleanáil, Feidhmiúcháin agus Rochtain Churaclaim.
  - **Nó**
- **Modúl a trí** – Modhanna Teagaisc do Mhic Léinn le Neamhoird Speictrim Uathaigh.

#### *Diplóma Iar-Chéime*

- **Modúl a haon** - Neamhoird Speictrim Uathaigh a thuiscint.
- **Modúl a dó** - Measúnú, Pleanáil, Feidhmiúcháin agus Rochtain Churaclaim.
- **Modúl a trí** - Cur Chuige Teagaisc na Mac Léinn le Neamhoird Speictrim Uathaigh.
- **Modúl a ceathair** - Féin-bhainistíocht agus Iompraíocht.

Ar chríochnú Modúl 1 (Croílár) agus 2 nó 3, i dteannta le críochnú rathúil obair riachtanach an chúrsa agus thréimhse chleachtaigh cuir tuilleadh **Teastas Iar-Chéime** san Oideachas Speisialta (Neamhoird Speictrim Uathaigh). Nuair a chríochnófar an dá mhodúl breise i dteannta leis an obair chúrsa riachtanach bronnfar **Diplóma Iar-Chéime** i Riachtanais Speisialta Oideachais (NSU). Is féidir le rannpháirtithe a chríochnaíonn leibhéal an Teastais dul ar aghaidh chuig leibhéal an Diplóma agus, ar an leibhéal sin a chríochnú go rathúil, bronnfar Diplóma Iar-Chéime i RSO(NSU) orthu.

Ní gá go mbeadh ar rannpháirtithe na modúil aonair a chríochnú ceann i ndiaidh a chéile. Ach caithfear gach cuid de gach modúl a bheith críochnaithe laistigh den tréimhse leantach dhá bhliain.

Beidh gá le scaoileadh ón scoil ar feadh fiche a trí (do Theastas) go fiche a ceathair lá (do Dhiplóma) le linn na tréimhse dhá bhliana don chlár.

Beidh ar iarratasóirí rathúla freastal ar ionad lárnach ar 5 Shatharn ar a laghad.

Tá cuairteanna ranga ó STOS agus ó phearsanra San Aingeal d'fhonn tacaíocht a sholáthar agus measúnú a dhéanamh ar thréimhse chleachtaigh, faoi seach, mar chuid tábhachtach den chlár.

#### 4. Incháilitheacht

**Tabhair faoi deara go gcaithfidh gach múinteoir a bheith cláraithe faoi réir Ailt 31 den Acht um Chomhairle Mhúinteoireachta, 2001. Féach ar shuíomh gréasáin na Comhairle Múinteoireachta [www.teachingcouncil.ie](http://www.teachingcouncil.ie) do bhreis eolais.**

Tá an clár seo ann do mhúinteoirí cláraithe a bhfuil post acu, faoi láthair, maoinithe ag an Roinn Oideachais agus Eolaíochta agus atá ag obair faoi láthair le mic léinn le Neamhoird Speictrim Uathaigh (NSU) nó a bheidh ag obair le mic léinn le NSU le haghaidh faid an Chláir i mBunscoileanna aitheanta, agus Scoileanna Speisialta san áireamh, agus scoileanna Iar-Bhunoideachas aitheanta.

##### (a) Bunscoileanna:

Beidh ar oidí cóip dá dTeastas Clárúcháin a chur isteach, nó litir dheimhniú clárúcháin ón gComhairle Mhúinteoireachta, agus foirm iarratais á sheoladh isteach. Má tá an réimse “Earnáil Oideachais” folamh, beidh ar oidí fianaise a sholáthar go bhfuil aitheantas acu ón gComhairle Mhúinteoireachta ar incháilitheacht do mhúineadh in earnáil an oideachais bunscoile príomhshrutha nó do scoláirí le Riachtanais Speisialta Oideachais nó scoláirí a bhfuil Tacaíocht Foghlama de dhíth orthu a mhúineadh in earnáil an bhunoideachais.

Ba chóir go mbeadh na hiarrthóirí tar éis a dtréimhse phromhaidh a chríochnú go sásúil.

##### (b) Iarbhunscoileanna:

Beidh ar oidí cóip dá dTeastas Clárúcháin a chur isteach, nó litir dheimhniú clárúcháin ón gComhairle Mhúinteoireachta, agus foirm iarratais á sheoladh isteach. Má tá an réimse “Earnáil Oideachais” folamh, beidh ar oidí fianaise a sholáthar go bhfuil aitheantas acu ón gComhairle Mhúinteoireachta ar incháilitheacht do mhúineadh in earnáil an oideachais iarbhunscoile príomhshrutha nó do scoláirí le Riachtanais Speisialta Oideachais nó scoláirí a bhfuil Tacaíocht Foghlama de dhíth orthu a mhúineadh in earnáil an iarbhunoideachais.

##### (c) Scoileanna Speisialta

Beidh ar oidí cóip dá dTeastas Clárúcháin a chur isteach, nó litir dheimhniú clárúcháin ón gComhairle Mhúinteoireachta, agus foirm iarratais á sheoladh isteach. Má tá an réimse “Earnáil Oideachais” folamh, beidh ar oidí fianaise a sholáthar go bhfuil aitheantas acu ón gComhairle Mhúinteoireachta ar incháilitheacht do mhúineadh in earnáil an oideachais bunscoile nó iarbhunscoile príomhshrutha nó do scoláirí le Riachtanais Speisialta Oideachais nó scoláirí a bhfuil Tacaíocht Foghlama de dhíth orthu a mhúineadh in earnáil an bhunoideachais nó an iarbhunoideachais nó i gcatagóirí sainithe de scoileanna speisialta.

Ba chóir go mbeadh na hiarrthóirí tar éis a dtréimhse phromhaidh a chríochnú go sásúil.

Tá iarratais ó mhúinteoirí a chríochnaigh a gcúrsaí STOS cuí i bhfoghlaim agus múineadh na mac léinn le NSU orthu inghlactha chomh maith. Déanfar breithniú ar iarratais ar chreidiúint don réamhfhoghlaim (CDR) faoi pholasaithe agus faoi ghnáthaimh CDR an Choláiste. Déanfar iarrthóirí aonair a mheas ar a bhfiúntas féin.

Fad is atá an clár seo á chríochnú ag oidí agus ar feadh tréimhse ama réasúnta tar éis don chlár teacht chun deiridh moltar go ndéanfaidh bainistíocht na scoile gach iarracht deimhin a dhéanamh de go leanann mic léinn le NSU ag baint tairbhe as eolas agus saineolas an mhúinteora sa réimse seo, trí ranganna do mhic léinn le NSU a dháileadh ar an múinteoir.

Ní bheidh ar iarratasóirí don chlár seo freastal ar agallamh.

## 5. Iarratais agus Roghnú

Tá Foirm Iarratais i dteannta leis an gCiorclán seo le líonadh ag múinteoirí a bhfuil suim acu sa chlár agus atá incháilithe le páirt a ghlacadh ann.

### ***Tábhachtach***

Ba chóir do mhúinteoirí incháilithe a bhfuil tacaíocht acu óna n-údaráis scoile agus a dteastaíonn uathu bheith tógtha san áireamh le haghaidh iontrála don Chlár a gcuid iarratas a chur chuig **Comhordaitheoir an Chláir, Teastas/Diplóma Iar-Chéime i RSO (NSU), an Rannóg Oideachais, Coláiste San Aingeal, Sligeach**, le bheith faighte tráth nach déanaí ná an **1ú Márta 2010**.

**Caithfidh táille riaracháin de €25 (nach féidir a aisíoc) a bheith i dteannta le gach iarratas. Moltar d'iarratasóirí fianaise poist a choimeád. De ghnáth ní cheadófar ach iarratas amháin ó gach scoil/ionad.**

## 6. Maoiniú

Tá gach eilimint laistigh de gach modúl maoinithe ag Rannóg Oideachais Múinteoirí na Roinne Oideachais agus Eolaíochta tríd an STOS faoin bPlean Náisiúnta Forbartha 2007 go 2013.

Beidh iarrthóirí freagrach as táille €300 per modúl a íoc. **Nóta: Déanfar costais taistil agus cothabhála a sholáthar maidir le haon cheann d'eilimintí aghaidh-ar-aghaidh an chláir.**

Dírítear d'aird freisin ar Scéim Aisíoca Táille an Mhúinteora. Tá sé d'aidhm ag an scéim seo maoiniú a sholáthar do chostas táillí chúrsaí agus scrúduithe a bhíonn ar mhúinteoirí Bunscoile agus Iar-Bhunscoile nuair a chríochnaíonn siad, go rathúil, cúrsaí forbartha gairme atá ceadaithe ag an Roinn agus ag údaráis na scoile.

## 7. Saoire Phearsanta Bhreise

Ní cheadófar aon saoire phearsanta bhreise maidir le freastal ar an gclár.

## 8. Ionadaíocht

Ceadófar ionadaíocht nuair a mheasann an Príomhoide go bhfuil sé tábhachtach chun go mbainfeadh na rannpháirtithe úsáid as na heilimintí laistigh de gach modúl.

## 9. Socruithe Tuarastail

Leanfaidh na múinteoirí uilig atá scaoilte óna scoil faoi théarmaí an Chláir ag fáil tuarastail sa gnáthshlí.

## 10. Liúntais

Tabhair faoi deara, le d'athúil, nach mbeidh aon teidlíocht do luach saothair breise ón Roinn Oideachais agus Eolaíochta mar thoradh ar chríoch rathúil an chláir seo.

## 11. Clár Máistreacht

Tá siad siúd a chríochnaíonn go rathúil an Diplóma Iar-Chéime i Riachtanais Speisialta Oideachais (RSO), agus a shásaíonn na riachtanais cuí, i dteideal dul ar aghaidh go MA i Riachtanais Speisialta Oideachais (NSU) ag Coláiste San Aingeal. Tá breis eolas le fáil ar an gClár MA i RSO (NSU) i gColáiste San Aingeal ag suíomh gréasáin San Aingeal [www.stangelas.nuigalway.ie](http://www.stangelas.nuigalway.ie).

Alan Wall  
Príomhoifigeach

Eanáir 2010

*Teastas/Diplóma Iar-Chéime i Riachtanais Speisialta Oideachais (Neamhoird Speictrim Uathaigh) 2010-2011*

**Eilimintí na Modúl**

Modúl a hAon	NSU a Thuiscint	<ul style="list-style-type: none"> <li>▪ Lá Tionscnaimh</li> <li>▪ STOS - Cúrsa Tionscnaimh 4 lá</li> <li>▪ Dearcadh Céadfach, Luaileach agus Gaoil an linbh le NSU</li> <li>▪ Uathachas a Thuiscint (ar líne)</li> <li>▪ Cuairt ar Rang- pearsanra STOS</li> <li>▪ Socrúchán</li> </ul>
Measúnú	Próifíl Punainne Gairme agus IEP	
Modúl a Dó	Measúnú, Pleanáil agus Rochtain Churaclaim	<ul style="list-style-type: none"> <li>▪ <i>ABBLS</i></li> <li>▪ <i>PEP3 nó T-TAP</i></li> <li>▪ Pleanáil Aonaraithe</li> <li>▪ Rochtain ar an gCuraclam</li> <li>▪ NSU agus Comh-Ghalracht</li> <li>▪ PECS</li> <li>▪ Lámh</li> <li>▪ TEACCH (2 lá)</li> <li>▪ Cuairt ar Rang- pearsanra STOS</li> </ul>
Measúnú	Cas-staidéar	
Modúl a Trí	Modhanna Teagaisc do Mhic Léinn le NSU	<ul style="list-style-type: none"> <li>▪ Anailís Iompraíochta Fheidhmeach (ar líne)</li> <li>▪ Traenáil Scéalta Sóisialta</li> <li>▪ Am ar Urlár</li> <li>▪ TEACCH (5-lá)</li> <li>▪ Forbairt Teanga agus Cumarsáide do Dhaltaí le NSU (Hanan)</li> <li>▪ Dian-Idirghabháil</li> <li>▪ Cuairt ar Rang (Foireann STOS)</li> </ul>
Measúnú	Tréimhse Cleachtais	
Modúl a Ceathair	Féin-bhainistíocht agus Iompraíocht	<ul style="list-style-type: none"> <li>▪ Traenáil i Scileanna Sóisialta</li> <li>▪ Iomraíocht Dúshlánach</li> <li>▪ Cúrsaí ar Anailís Iompraíochta Fheidhmeach Reatha</li> <li>▪ Cuairt ar Rang- pearsanra STOS</li> <li>▪ Cuairt ar Rang ó Fhoireann AIF</li> </ul>
Measúnú	Athbhreithniú Litríochta	

*Teastas/Diplóma Iar-Chéime i Riachtanais Speisialta Oideachais (Neamhoird Speictrim Uathaigh)  
2010-2011*

**Clár Iar-Chéime**

*Teastas Iar-Chéime*

Modúl a hAon (Modúl Croíláir)	NSU a Thuiscint
----------------------------------	-----------------

*Agus*

Modúl a Dó	Measúnú, Pleanáil, Feidhmiúcháin agus Rochtain Churaclaim
------------	---

*Nó*

Módúl a Trí	Modhanna Teagaisc do Mhic Léinn le Neamhoird Speictrim Uathaigh
-------------	---

*Diplóma Iar-Chéime*

Modúl a hAon	NSU a Thuiscint
Modúl a Dó	Measúnú, Pleanáil, Feidhmiúcháin agus Rochtain Churaclaim
Modúl a Trí	Modhanna Teagaisc do Mhic Léinn le Neamhoird Speictrim Uathaigh
Modúl a Ceathair	Féin-bhainistíocht agus Iompraíocht



[Imlitir: 0003/2010](#)

**Clár Teastais/Diplóma Iar-Chéime um Fhorbairt Ghairmiúil Leantach i Riachtanais Speisialta Oideachais (Neamhoird Speictrim Uathaigh) do Mhúinteoirí**

**COLÁISTE SAN AINGEAL, SLIGEACH**

**FOIRM IARRATAIS AR IONTRÁIL**

**Líon an fhoirm seo, led thoil, agus seol ar ais í i dteannta leis an dtáille riaracháin de €25 chuig**

**Comhordaitheoir an Chláir  
Teastas/Diplóma Iar-Chéime i RSO (NSU),  
Roinn an Oideachais,  
Coláiste San Aingeal, Sligeach  
Ar nó roimh 5rn ar an 1 Márta 2010.**

Tá iarratas á dhéanamh chun páirt a ghlacadh i<sup>1</sup> (*cuir tic mar is cuí*):

Teastas Iar-Chéime i RSO (NSU)

Diplóma Iar-Chéime i RSO (NSU)

<sup>1</sup>Tabhair faoi deara, led thoil, gur comhartha aidhme amháin é seo, chun eagraíocht agus riarachán a éascú. D'fhéadfadh iarrthóirí smaoineamh arís ar a roghanna piochta de réir mar a bhíonn rochtain acu ar na modúil éagsúla.



**1. Sonraí Pearsanta**

Ainm: \_\_\_\_\_ Scoil: \_\_\_\_\_

Seoladh Baile: \_\_\_\_\_ Seoladh Scoile: \_\_\_\_\_

Fón Baile: \_\_\_\_\_ Uimhir Rolla na Scoile: \_\_\_\_\_

Fón Póca: \_\_\_\_\_ Fón Scoile: \_\_\_\_\_ Facs: \_\_\_\_\_

R-phost Pearsanta: \_\_\_\_\_ R-phost Scoile: \_\_\_\_\_

Uimhir Phárolla an Mhúinteora: \_\_\_\_\_ Príomhoide: \_\_\_\_\_

**2. Sonraí Clárúcháin (mar atá ar Theastas Clárúcháin na Comhairle Múinteoireachta nó mar atá ar litir dheimhnithe clárúcháin ón gComhairle Mhúinteoireachta)\***

Uimhir Chlárúcháin an Mhúinteora \_\_\_\_\_ Earnáil Oideachais \_\_\_\_\_

\*Caithfidh cóip den Teastas Clárúcháin Múinteora nó litir dheimhnithe clárúcháin mar a sholáthraíonn an Chomhairle Mhúinteoireachta a bheith in éineacht na foirme seo.

**3. Post Múinteoireachta Reatha**

**3 (a)** Cuir tic sa bhosca is fearr a léiríonn an post teagaisc a bheidh agat i 2010/2011:

Oide ranga i ngnáthbhunscoil

Oide ábhair i ngnáthscoil dara leibhéal (sonraigh an t-ábhar) \_\_\_\_\_

Oide acmhainne do mhic léinn le riachtanais speisialta oideachais (RSO) (imlitreacha 8/99, 8/02) i scoil(eanna) príomhshrutha (sonraigh líon na scoileanna) \_\_\_\_\_

Oide ranga speisialta i ngnáthscoil

Oide ranga i scoil speisialta ina bhfuil daltaí le NSU sa rang

Eile (sonraigh, led' thoil) \_\_\_\_\_

Luaigh bliain do phromhaidh (má bhaineann) \_\_\_\_\_

Luaigh, le do thoil, an líon daltaí le NSU atá á mhúineadh agat faoi láthair sa scoil nó a bheidh á mhúineadh agat le linn thréimhse an Chláir: \_\_\_\_\_

**3 (b)** Cuir tic sa bhosca is fearr a léiríonn do Stádas Fostaíochta faoi láthair:

Buan  Conradh um fhad éiginnte

Páirtaimseartha  Conradh téarma seasta

Eile

Más eile, sonraigh led' thoil \_\_\_\_\_

Más i bpost páirtaimseartha tú, cé mhéad uair an chloig a oibríonn tú sa phost sin? \_\_\_\_\_

**3 (c)** Sonraigh, led' thoil:

- Líon na mblianta agat ag teagasc \_\_\_\_\_
- Líon na mblianta ag teagasc i do scoil reatha \_\_\_\_\_

**3 (d)** Don scoilbhliain 2010/2011, cén líon d'uaireanta sa tseachtain a bheidh tú amchláraithe sna réimsí oibre seo a leanas:

Rang Speisialta: \_\_\_\_\_ Obair um Tharraingt Siar: \_\_\_\_\_

Tegasc Foirne: \_\_\_\_\_

Comhairliú le Comhghleacaithe/Tuismitheoir/Daoine Eile (sonraigh led' thoil): \_\_\_\_\_

Eile (sonraigh, led' thoil): \_\_\_\_\_

**Deimhnigh le do Phríomhoide, led' thoil, go bhfuil tú nó go mbeidh tú ag obair le mic léinn le NSU le linn thréimhse an Chláir.**

**Tá sé deimhnithe agam le mo Phríomhoide gur mar sin a bheidh an scéal: Tá:  Níl:**

4. Cáilíochtaí Gairmiúla nó eile atá agat

Coláiste, Ollscoil nó Foras Bronnta eile	Dátaí tinrimh agus cé acu lánaimseartha nó páirtaimseartha	Céim nó Cáilíochtaí eile a bronnadh nó atá le bronnadh	Grád nó Roinn (más ann dóibh)	Ábha(i)r	Dáta bronnta

5. Forbairt Ghairmiúil Cheana (m.sh. SESS, ICEP Europe, Inseirbhíse). Féach freisin liosta na gcúrsaí ar rinneadh freastal orthu cheana mar atá in Aguisín A.

Ainm agus Dátaí Cúrsaí Forbartha Gairmiúla	Fad Ama	Grád nó Roinn (más ann dóibh)	Ábha(i)r	Bliain inar Críochnaíodh an Cúrsa Forbartha Gairmiúil	Foras Bronnta

6. Tá Imlitir 0003/2010 léite agam agus tolim na coinníollacha riachtanacha rannpháirtíochta sa chlár lena bhfuilim ag déanamh iarratais a chomhlíonadh. Dearbhaím go bhfuil an t-eolas ar fad a thugtar ar an bhfoirm seo ceart agus má ghlactar ar an gclár liom, geallaim go gcomhlíonfaidh mé rialacha agus rialacháin uilig Choláiste San Aingeal, Sligeach.

SÍNITHE: \_\_\_\_\_ DÁTA: \_\_\_\_\_

### 7. Le comhlánú ag údaráis na scoile

Ainmním \_\_\_\_\_ chun freastal ar an gclár iarchéime seo agus dearbhaím gur oide cláraithe de réir alt 31 den Acht um Chomhairle Mhúinteoireachta, 2001 an t-iaratasóir ar an gcúrsa seo.

Dearbhaím go bhfuil an t-eolas a thugtar ar an bhfoirm iarratais seo ceart agus má bhronntar áit ar an gClár Teastais/Diplóma Iar-Chéime um Fhorbairt Ghairmiúil Leantach i Riachtanais Speisialta Oideachais (Neamhoird Speictrim Uathaigh) do Mhúinteoirí – 2010/2011 ar an múinteoir thuasluaite, go n-aontaíonn an Bord Bainistíochta an múinteoir a scaoileadh chun freastal ar an gclár agus go gcomhlíonfaidh sé riachtanais uilig an chúrsa mar a shainítear in Imlitir 0003/2010.

SÍNITHE: \_\_\_\_\_ DÁTA: \_\_\_\_\_  
(Príomhoide)

COMHSHÍNITHE: \_\_\_\_\_ DÁTA: \_\_\_\_\_  
(Stiúrthóir/Bainisteoir/Príomhfheidhmeannach/Cathaoirleach ar an mBord Bainistíochta)

## **Seol ar ais an fhoirm seo comhlánaithe maraon leis an táille riaracháin €25 agus cóip de do Theastas Clárúcháin nó litir dheimhnithe ón gComhairle Mhúinteoireachta chuig**

Comhordaitheoir an Chláir  
Teastas/Diplóma Iar-Chéime i RSO (NSU),  
Roinn an Oideachais,  
Coláiste San Aingeal, Sligeach  
Ar nó roimh 5rn ar an 1 Márta 2010.

Fón: (071) 9195551